



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 JUN 2021 (SELASA)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

8 JUN 2021 (SELASA)

Harga minyak sawit melambung kerana kenaikan harga global'

SHAH ALAM - Siasatan awal Kementerian Perdagangan Dalam Negeri dan Hal Ehwal Pengguna (KPDNHEP) mendapati punca kenaikan harga minyak sawit di negara ini kerana berlaku kenaikan harga bahan itu di peringkat global.

Bagaimanapun, Timbalan Menterinya, Datuk Rosol Wahid berkata, pihaknya menyedak sama ada peningkatan itu berpunca daripada penyelewengan.

"Harga sawit sekarang ini boleh mencecah hampir RM4,000 satu tan yang menyebabkan kenaikan harga minyak.

"Jadi, kita nak lihat benar atau tidak kenaikan tersebut disebabkan harga minyak sawit naik atau



ROSOL

ada pihak yang mengambil kesempatan," katanya pada Isnin.

Pada 21 April lalu, Lembaga Minyak Sawit Malaysia (MPOB) melaporkan harga minyak sawit mentah (MSM) melonjak kepada paras tertinggi RM4,306.50 satu tan berbanding RM4,270 satu tan yang dicatatkan pada 9 April 2021.

Dalam pada itu, Rosol berkata, KPDNHEP turut mencadangkan pengguna menggunakan alternatif lain dengan membeli minyak masak yang disubsidi oleh kerajaan.

Menurut beliau, minyak masak tersebut masih pada harga yang sama RM2.50 per kilogram (kg) atau satu pek.

Sementara itu, KPDNHEP Se-

langor mengesahkan ada peruncit yang menaikkan harga minyak sesuka hati sehingga mencecah RM34.20 sebotol.

Pengarahnya, Muhamad Zikril Azan Abdullah berkata, tindakan menaikkan harga secara mendadak itu dikesan oleh pihaknya menerusi operasi pemantauan harga minyak masak botol 5kg di negeri itu semalam.

"Hasil pemeriksaan ke atas 23 peruncit mendapati ada peruncit menjual minyak masak botol 5kg pada mencecah RM34.20 sebotol.

"Justeru, KPDNHEP Selangor mengeluarkan 11 notis terhadap peruncit berkenaan bagi membekalkan perincian harga jualan dan harga kos barangan untuk siasatan lanjut sama ada berlaku pengambiln keuntungan berlebihan atau tidak," katanya.

KPDNHEP ambil maklum kenaikan harga

Masjid Tanah: Harga minyak masak botol 2 kilogram (kg) dan 5kg dikesan naik di daerah ini sejak beberapa hari lalu dipercayai berikutan kenaikan harga minyak sawit di pasaran tempatan dan antarabangsa.

Harga minyak masak 2kg naik kepada antara RM12 hingga RM12.50 berbanding antara RM9 hingga RM10 sebelum ini manakala harga 5kg naik kepada antara RM33 hingga RM33.50 berbanding antara RM24.50 hingga RM27.50 sebelum ini.

Tinjauan di beberapa kedai runcit dan pasar raya di sini mendapati harga naik sejak beberapa hari lalu yang didakwa peniaga sebagai berpuncu daripada pemborong. Peniaga kedai runcit dikenali sebagai Fitri berkata,

pati harga minyak masak 5kg tidak naik.

Harga bahan masak itu bagi jenama 'Hafeez' kekal RM24.50 manakala jenama 'Dian' kekal RM27.50.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, kerajaan hanya mengawal harga minyak masak pek 1kg, tetapi tidak berbuat demikian pada minyak masak botol.

"Harga minyak masak botol 2kg hingga 5kg bergantung kepada harga pasaran minyak sawit mentah dunia dan kos lain yang menyumbang kepada penentuan harga runcit seperti kos operasi, bahan mentah dan pembungkusan.

"Bagaimanapun, KPDNHEP mengambil maklum perkara ini dan sudah mengeluarkan notis bagi mendapatkan maklumat mengenai kenaikan itu," katanya.

Menurutnya, pengguna yang ingin mendapatkan minyak masak perlu mendapatkan maklumat melalui *price catcher* bagi membuat perbandingan.

Sehubungan itu, beliau mengingatkan pengguna supaya tidak membuat pembelian panik kerana bekalan minyak masak di negeri ini stabil.

Pengguna boleh membuat aduan mengenai isu kenaikan harga barangan keperluan asas melalui panggilan di talian 06-2345822 atau aplikasi WhatsApp (019-2794317).



Pengguna merungut harga minyak masak naik mendadak sehingga mencecah RM34 sebotol berbanding RM21.50 hingga RM22.90 sebelum ini

HARGA MINYAK MASAK MELAMBUNG

- Tinjauan di beberapa pasar raya dan kedai runcit mendapati ada peniaga yang menaikkan harga minyak masak sehingga mencecah RM34 sebotol.
- Peruncit memaklumkan kenaikan harga minyak masak disebabkan pembekal menaikkan harga kos menyebabkan mereka terpaksa menaikkan harga jualan.
- Kenaikan harga minyak global turut dijadikan sebagai alasan untuk menaikkan harga jualan minyak masak.



Wan Mohd Adnan menunjukkan bekalan minyak masak botol yang kurang mendapat permintaan pelanggan semenjak harganya mencecah RM34.

MUKA 2, 3 & 4

'Terkejut minyak masak mahal'

Pengguna dan peniaga terbeban akibat kenaikan mendadak minyak masak di musim pandemik

SHAH ALAM

Orang ramai dan peniaga mula merungut dengan kenaikan harga minyak masak botol lima kilogram (kg) sehingga 15 peratus dalam keadaan negara melaksanakan Perintah Kawalan Pergerakan (PKP) 3.0.

Tinjauan *Sinar Harian* di beberapa pasar raya dan kedai runcit di beberapa buah negeri pada Isnin mendapati, harga minyak masak berbeza jenama dalam botol itu mengalami kenaikan mendadak antara RM28.50 hingga RM33 sebotol.

Seorang pekerja kedai runcit yang ingin dikenali sebagai Susi, 33, berkata, kenaikan harga minyak berlaku sejak beberapa bulan lepas.

"Kalau dulu, harga minyak botol 5kg jenama Saji ialah RM27 hingga RM28, sekarang sudah naik sampai RM32. Ada juga kedai yang naikan harga sampai RM33 sebotol.

"Pembekal hanya maklumkan ia berpunca daripada kenaikan harga minyak mentah. Itu sahaja.

"Di sini (Selangor) harga minyak masak setiap bulan memang ada kenaikan. Pelanggan memang merungut, tapi terpaksa beli juga sebab nak dapatkan minyak paket sekarang pun susah," katanya kepada *Sinar Harian* pada Isnin.

Pada awal Januari lalu, harga minyak masak botol 5kg dilaporkan meningkat

daripada RM19 hingga RM22 kepada RM27.

Harga minyak masak dilaporkan terus meningkat selepas tiga bulan kepada antara RM28 hingga RM34 sebotol.

Sementara itu, pemilik kedai runcit, Fairuz Kunhahamu, 37 berkata, kenaikan harga minyak masak tersebut adalah disebabkan tiada subsidi yang diberikan oleh kerajaan.

"Hanya minyak masak bersaiz 1kg yang diberikan subsidi. Jadi, bila tiada subsidi untuk saiz lain, syarikat akan menaikkan harga minyak kerana tiada kawalan daripada kerajaan.

"Kalau dulu ada subsidi, minyak masak 5kg dijual pada harga RM13.50, tapi sekarang dah sampai RM28 hingga RM30," jelasnya.

Jelasnya, pelanggan kini memilih untuk mendapatkan minyak paket berbanding botol berikutan harganya yang lebih murah.

Ada juga segelintir kedai runcit men-



Pelanggan sedang membandingkan harga minyak bersaiz 5kg di sebuah kedai runcit di Shah Alam, Selangor.

jual minyak masak itu pada harga jauh lebih mahal berbanding pasar raya.

Seorang penyelia sebuah pasar mini di Seksyen 30 di sini, Fazilah Mohd Mukhsin berkata, minyak masak dalam botol itu mengalami kenaikan sebanyak RM3 ketika sambutan perayaan Tahun Baharu Cina pada Februari lalu.

"Antara faktor kenaikan harga itu disebabkan kekurangan bahan mentah untuk menghasilkan produk berkenaan," katanya yang memaklumkan harga minyak masak dalam botol itu mencecah RM28 berbanding RM25 sebelum ini.

Di KUALA LUMPUR, peniaga makanan dan orang ramai turut meluahkan rasa kecewa berikutan kenaikan harga minyak masak.

Seorang peniaga makanan di Setia-wangsa, Rosmalizaini Ramli, 37, berkata, kenaikan harga minyak masak botol 5kg memberi kesan kepada perniagaannya.

"Walaupun harga minyak masak meningkat, saya bersyukur kerana harga barang keperluan lain untuk berniaga tidak naik sepanjang Sekatan Pergerakan Penuh," katanya yang lebih selesa membeli di kedai runcit.

Di KELANTAN, peningkatan mendadak harga minyak masak botol di pasaran ketika ini menyebabkan pengguna mula beralih tumpuan membeli bahan itu dalam bentuk pekete bersubsidi.

Seorang pengguna, Siti Zakiah Abdullah, 42, berkata, sejak kenaikan harga berlaku, dia membuat keputusan untuk menukar penggunaan minyak masak botol kepada pekete.

"Pembelian minyak masak pekete dilihat berbaloi ketika ini kerana harganya sekitar RM2.50 untuk sepekete 1kg selepas diberikan subsidi oleh kerajaan," katanya.

Katanya, sebelum itu minyak masak

HARGA MINYAK MASAK

	Januari 2021	Jun 2021
5kg	RM27 - RM28	RM30 - RM33
3kg	RM14 - RM15	RM17 - RM18
2kg	RM12 - RM14	RM15 - RM16

botol dijual antara RM25 hingga RM28.50 untuk 5kg mengikut jenama, namun harganya meningkat mendadak sejak akhir-akhir ini.

Siti Zakiah berkata, kenaikan mendadak itu sememangnya memberikan kesan yang cukup besar buat golongan berpendapatan rendah atau B40.

Tinjauan di beberapa buah pasar raya di sekitar Kota Bharu mendapati, harga minyak masak botol dijual bermula RM29 sehingga RM32.40 bagi sebotol 5kg.

Di PAHANG, tinjauan di beberapa pasar raya, kedai serbaneka dan kedai runcit di Kuantan mendapati minyak masak dalam botol seberat 5kg melonjak antara RM30 hingga RM36 sebotol bergantung kepada jenama.

Kenaikan harga itu dilihat begitu ketara jika dibandingkan harga sebelum ini iaitu sekitar RM25.90 sehingga RM28 sebotol.

Situasi itu menyebabkan pengguna tertanya-tanya punca kenaikan barangan tersebut.

Penjawat awam, Rohaya Yusof, 45, mengakui terkejut dengan kenaikan harga baharu itu berbanding minyak masak botol 5kg yang dibelinya pada bulan lalu.

Katanya, sebelum ini harganya sekitar RM25.90 dan paling mahal pun antara RM27 atau RM28 bergantung kepada jenama.

"Kalau ikutkan peningkatan harga minyak antara RM5 hingga RM8 sebotol dan kenaikan ini terlalu drastik dalam tempoh tidak sampai sebulan.

"Untuk keluarga besar macam saya ini hendak beli minyak pekete sekilogram tidak berbaloi ditambah pula pembelian hanya dihadkan beberapa paket saja.

"Jadi kenaikan ini membebankan apatah lagi pendapatan terjejas berikutan keadaan ekonomi belum stabil. Adakah pihak berkuasa akan terus melihat sahaja sehingga minyak masak botol melepasi harga RM40 sebotol pula selepas ini," katanya.

Katanya, dia beranggapan harga barangan akan turun ketika Perintah Kawalan Pergerakan (PKP) dikuatkuasakan namun ternyata anggapannya meleset.

>>> DARI MUKA 2

Di **TERENGGANU**, peniaga mengakui disebabkan kenaikan harga minyak masak botol, mereka terpaksa menjual barangan itu melebihi RM30 sebotol.

Pekerja kedai borong dan runcit, Rahmat Salleh 49, berkata, sebelum ini harga minyak botol 5kg dijual antara RM27 hingga RM28 sebotol.

"Sejak dua minggu lalu, harga minyak masak yang diperoleh naik mendadak kerana tiada diskaun belian borong dan kita terpaksa menjual minyak masak botol 5kg pada harga RM31 sebotol.

"Agak sukar untuk kami jual pada harga rendah kerana diperoleh pada harga yang tinggi. Kami terpaksa naikkan harga secara berperingkat supaya tidak berlakunya kenaikan mendadak," katanya.

Menurut Rahmat, situasi sama juga berlaku di kedai runcit dan pasar raya iaitu harga yang ditawarkan kepada pembeli bergantung kepada harga semasa barangan itu.

"Kalau nak dapatkan minyak masak botol pada harga bawah RM30 agak sukar sekarang kerana kebanyakannya menjual lebih RM30 sebotol," katanya.

Di **NEGERI SEMBILAN**, orang ramai mengeluh apabila harga minyak masak pelbagai jenama dalam botol 5kg naik antara RM2 hingga RM5.

Menurut suri rumah, Masita Baba, 59, dia terpaksa membeli minyak masak botol 2kg kerana lebih murah.

Katanya, sebelum ini dia membeli minyak masak botol 5kg tetapi setelah mendapati harga melebihi RM32, dia terpaksa melupakannya.

"Sukar untuk saya jumpa minyak masak paket 1kg kerana cepat habis. Pernah juga saya membeli minyak masak botol 5kg dengan harga RM35 kerana tiada pilihan apabila minyak masak botol kecil dan paket sudah

habis," katanya.

Masita berharap kerajaan dan pihak berkaitan dapat melakukan pemeriksaan lebih kerap bagi memastikan harga minyak masak tidak naik mendadak sehingga membebankan rakyat.

Di **MELAKA**, masih terdapat peniaga yang menjual minyak masak 5kg di bawah harga RM30 walaupun ada beberapa kedai yang menjual minyak masak melebihi harga sepatutnya.

Ada di antara kedai yang menjual minyak masak sekitar RM28 hingga RM28.80 dan ada juga menjual pada harga RM31 bergantung kepada jenama.

Sementara itu, Pengarah Kementerian Perdagangan Dalam Negeri Koperasi dan Hal Ehwal Pengguna (KP-DNHEP) Melaka, Norene Jaafar menasihatkan pengguna supaya membuat aduan mengikut saluran yang betul.

Katanya, ia bagi membolehkan tindakan dapat diambil kepada pihak yang sewenang-wenangnya mengambil kesempatan menaikkan harga barangan asas seperti minyak masak ini.

Di **PERAK**, tinjauan di beberapa pasar raya dan pasar mini sekitar Ipoh mendapati harga minyak masak lebih RM30 sebotol berbanding hanya RM25 hingga RM28 sebotol sebelum ini.

Pengguna, Abd Razak Mohd Ali mengakui terkejut dengan kenaikan sebanyak RM10 dalam tempoh setahun.

Katanya, pada pertengahan tahun lepas, harga minyak masak botol 5kg hanya sekitar RM20 hingga RM23.

"Saya terkejut kerana sehari dua lalu, harganya mencecah sehingga lebih RM32. Naik kira-kira RM10 dalam tempoh setahun. Ini membebankan pengguna," katanya.

Abd Razak turut mencadangkan kepada agensi terlibat supaya melakukan pemantauan dan penambahan kuota minyak masak bersubsidi (paket) setiap bulan.

Pengguna tertekan harga naik melambung

Alor Setar: Kenaikan harga minyak masak botol 2 kilogram (kg) dan 5kg sejak dua hari lalu menyebabkan ramai pengguna mengeluh disebabkan semakin terbeban.

Tinjauan di beberapa pasar raya dan kedai runcit di daerah ini mendapati harga minyak masak naik sekitar RM4 hingga RM7 sebotol berbanding harga sebelum ini.

Suri rumah, Eliana Ishak, 35, berkata disebabkan daerah Kota Setar kini melaksanakan Perintah Kawalan Pergerakan Diperketatkan (PKPD) maka ramai yang terpaksa duduk di rumah.

Katanya, disebabkan itu, penggunaan minyak masak bertambah kerana perlu memasak terutama mereka yang mempunyai anak ramai.

"Saya memang beli minyak botol besar kerana pergerakan terhad untuk keluar ketika ini dan kesukaran untuk membeli minyak masak peket.

"Tapi harga minyak masak botol sudah naik sehingga RM32 sebotol (5kg) berbanding sebelum ini antara RM25 hingga RM28 sahaja sekali gus membebankan pengguna apatah lagi tidak bekerja dan mengharapkan suami," katanya.

Sementara itu, Setiausaha Persatuan Pengguna Kedah (Cake), Mohd Yusrizal Yusoff berkata, pihaknya

menerima banyak rungutan daripada orang ramai berhubung peningkatan harga minyak masak botol di pasaran.

Menurutnya, pihaknya yang melakukan pemantauan di pasar raya dan kedai runcit di negeri ini sepanjang Perintah Kawalan Pergerakan (PKP) 3.0 mendapati harga minyak masak botol 2kg serta 5kg didapati naik mendadak sejak dua hari lalu.

"Kita mendapati berlaku kenaikan harga sekitar RM4 hingga RM5 untuk setiap botol 5kg, namun punca kenaikan harga masih belum dikenal pasti.

"Justeru, Cake menggesa Kementerian Perdagangan Dalam Negeri dan Hal Ehwal Pengguna (KPDNHEP) mencari kaedah supaya kenaikan harga minyak masak botol ini tidak berulang.

"Pengguna kini terbeban dengan kos sara hidup dan kehilangan pendapatan akibat penularan Covid-19, sedangkan minyak masak adalah barangan keperluan," katanya.

"Saya memang beli minyak botol besar kerana pergerakan terhad untuk keluar"

Eliana

Oleh Nurul Hidayah
Bahaudin
nurul.hidayah@hmetro.com.my

Kuala Lumpur

"Kekurangan bekalan minyak masak pekot satu kilogram (subsidi) menyebabkan peniaga seperti saya terpaksa membeli minyak masak dalam botol (lima kilogram)," kata Badrulhisham Taman, 48.

Badrulhisham berkata, dia mengalami kesukaran mendapatkan bekalan minyak masak pekot satu kilogram di kawasan berhampiran rumahnya di Wangsa Maju di sini, sejak beberapa hari lalu.

"Selalunya saya beli minyak masak pekot satu kilogram untuk berniaga namun bekalan minyak masak itu sukar dicari di kawasan berhampiran rumah.

"Keadaan itu menyebabkan saya terpaksa membeli minyak masak botol meskipun harganya dilihat naik sejak kebelakangan ini.

"Peningkatan harga minyak masak dalam botol ini secara tidak langsung membebankan peniaga kedai makan seperti saya memandangkan ia keperluan asas untuk perniagaan ini," katanya.

Suri rumah, Noor Liza Abd Malek, 50, berkata, sebelum ini, harga minyak masak dalam botol dianggarkan antara RM20 hingga RM30 mengikut jenis.

"Namun, saya lihat sekarang harga minyak masak botol naik beberapa ringgit hingga ada yang mencecah RM36 setiap satu mengikut jenama.

"Saya rasa harga bahan



MOHD Salleh (kanan) tidak mengambil kesempatan untuk menaikan harga minyak masak di kedai runcitnya di Flat Taman Keramat.

Peniaga kedai makan terjejas

Terpaksa beli minyak masak botol selepas kekurangan bekalan minyak dalam pekot



BADRULHISHAM

itu mula naik pada minggu lalu kerana saya ada beli minyak masak botol lima kilogram pada harga RM28 yang sebelum ini (jenama sama) dibeli pada harga

RM26," katanya.

Sementara itu, pemilik kedai runcit Mohamad Salleh, 40, berkata, dia masih menjual minyak masak dalam botol lima kilogram mengikut harga lama.

"Bekalan minyak masak botol di kedai ini adalah bekalan lama dan sebab itu saya masih jual pada harga lama yang saya ambil dari pemborong.

"Setakat ini, bekalan minyak masak botol masih senang diperolehi dari pemborong. Cuma sekarang saya tidak ambil bekalan baru kerana bekalan lama masih ada," katanya.

Kelmarin, Harian Metro

melaporkan, Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Azman Adam memaklumkan pihaknya menerima 15 aduan membabitkan kenaikan minyak masak dalam botol selain kelewatan bekalan barang sejak sekatan pergerakan penuh (SPP) bermula 1 Jun lalu hingga kelmarin.

Menurutnya, setakat ini, tiada tindakan yang diambil dan pihaknya akan melakukan pemantauan secara berterusan sepanjang tempoh pelaksanaan *lockdown* bagi memantau harga barang keperluan.

Kerajaan digesa siasat, ambil langkah atasi kenaikan harga minyak

SHAH ALAM - Gabungan Persatuan Pengguna Malaysia (FOMCA) menggesa kerajaan supaya menyiasat dan mengambil langkah sewajarnya bagi memastikan isu kenaikan harga minyak masak di negara ini dapat diatasi.

Timbalan Presidennya, Mohd Yusof Abdul Rahman berkata, Kementerian Perdagangan Dalam Negeri dan Hal Ehwal Pengguna (KPDNHEP) dan Kementerian Perusahaan Perladangan dan Komoditi (KPPK) perlu mengkaji mengenai kenaikan tersebut.

Katanya, walaupun tidak dikawal oleh kerajaan tetapi perkara itu perlu beri perhatian kenapa kenaikan harga itu boleh berlaku.

"Pada masa yang sama, kerajaan boleh mengambil tindakan di bawah Akta Kawalan Harga dan Akta Antipencatutan 2011 jika ada yang menaikkan harga yang tidak munasabah.

"Kita tidak pasti sama ada berlakunya permintaan yang tinggi atau kenaikan harga barang mentah yang menyebabkan kenaikan harga minyak,"

katanya kepada *Sinar Harian* pada Isnin.

Menurut Mohd Yusof, walaupun harga mentah minyak sawit meningkat namun ia tidak sepatutnya memberi kesan kenaikan kepada harga minyak masak.

"Jadi dalam hal ini, kita berharap supaya kerajaan perlu menyiasat dan memastikan kenaikan itu tidak berlaku," katanya.

Mohd Yusof memberitahu, kenaikan harga minyak masak negara dalam keadaan sekarang tidak sepatutnya berlaku kerana ia memberi kesan kepada pengguna.

"Masyarakat sekarang hanya duduk di rumah dan ada yang berhadapan dengan pelbagai isu seperti tidak bekerja dan dikurangkan pendapatan," jelasnya.

Pada awal Januari lalu, harga minyak masak botol 5 kilogram (kg) pada harga RM19 hingga RM22 meningkat kepada RM27.

Kenaikan tersebut dilaporkan meningkat selepas tiga bulan sebanyak antara RM28 hingga RM34.



MOHD YUSOF

Harga naik enam kali

Kenaikan harga berlaku dalam tempoh 6 bulan di Kedah

ALOR SETAR

Harga minyak masak botol khususnya bagi saiz dua dan lima kilogram (kg) didakwa meningkat sebanyak enam kali dalam tempoh enam bulan sejak awal tahun ini.

Tinjauan *Sinar Harian* bersama Pengerusi Pasar Besar Alor Setar, Mohd Fauzi Sharip mendapati harga minyak masak botol meningkat ketara berbanding sebelum ini.

Pada Jun, harga minyak masak untuk saiz 5kg untuk jenama tertentu dikatakan naik kira-kira 20 peratus antara RM28.90 hingga RM32.90 berbanding RM26.90 pada Januari lepas.

Mohd Fauzi yang juga Pengerusi Harga Kawalan Persatuan Pengguna Negeri Kedah (Cake) berkata, harga minyak masak botol satu hingga 5kg di semua premis mengalami kenaikan mendadak sejak awal tahun ini.

"Sejak Januari, saya melakukan pemantauan dua hari sekali dan

mendapati memang ada kenaikan harga minyak botol setiap bulan di kedai sekitar Kota Setar.

"Dari Januari hingga Jun ini, boleh dikatakan harga minyak masak botol naik sehingga RM6

berbanding sebelum ini malah harga minyak tidak menunjukkan penurunan dalam tempoh berkenaan," katanya.

Mohd Fauzi berkata, minyak masak paket 1kg sahaja tidak mengalami kenaikan harga apabila masih dijual pada harga RM2.50.

Pembantu jualan sebuah pasar raya, Amir Ali Abdul Hamid berkata, harga minyak botol untuk kesemua saiz didapati meningkat antara RM1 hingga RM2 setiap bulan sejak awal tahun ini.

Amir Ali memberitahu, antara saiz minyak masak botol untuk semua jenama mengalami kenaikan paling ketara ialah saiz 5kg iaitu dari sekitar RM25 ke atas pada Januari kepada sehingga RM32.90 pada bulan Jun.

"Kenaikan dikatakan berpunca daripada kenaikan harga kelapa sawit. Bagaimanapun, kenaikan harga barangan asas yang berlaku itu bukanlah disebabkan peniaga,



MOHD FAUZI

sebaliknya bekalan minyak masak diperoleh pada harga tinggi daripada pengilang produk itu," katanya.

Beliau turut mendedar pelanggan mengeluh dengan kenaikan itu tetapi mereka tiada pilihan lain.

Amir Ali berkata, hanya minyak masak paket

1kg tidak mengalami kenaikan harga, namun jualan barangan keperluan berkenaan dihadkan hanya untuk dua bungkus setiap pembelian.

Sementara itu, Setiausaha Cake, Mohamad Yusrizal Yusoff berkata, hasil pemantauan Cake di semua pasar raya dan kedai runcit seluruh Kedah mendapati harga minyak masak botol 2kg dan 5kg naik mendadak sejak dua hari lepas.

Katanya, pihaknya melakukan pemantauan kenaikan harga minyak masak dan ternyata kini harganya meningkat naik iaitu sekitar RM4 ke RM5 untuk setiap botol 5kg.

Bagaimanapun, katanya, punca kenaikan harga minyak masak terbabit masih belum dikenalpasti.

Beliau mencadangkan KPDN-HEP menambah kuota kepada minyak masak bersubsidi bagi memudahkan pengguna untuk memastikan pengguna tidak terbeban.

